

摘藻堂四庫全書薈要

集部

欽定四庫全書薈要

集部

劉賓客外集卷四

五

詳校官助教臣常循



欽定四庫全書薈要卷一萬三千八百五十八

集部

劉賓客外集卷四

唐 劉禹錫 撰

詩

郡內書情獻裴侍中留守

訓樂天閑卧見寄

訓樂天小亭寒夜有懷

奉和裴晉公涼風亭睡覺

和樂天閑園獨賞八韻前以蜂鶴拙句寄呈今辱

蝸蟻妍詞見荅因成小巧以取大哈

訓樂天衫酒見寄

兩何如詩謝裴令公贈別二首

將之官留辭裴令公留守

訓喜相遇同州與樂天替代

奉和裴令公新成綠野堂即書

自左馮歸洛下訓樂天兼呈裴令公

秋齋獨坐寄樂天兼呈吳方之大夫

和樂天齋戒月滿夜對道場偶懷詠

吳方之見示獨酌小醉首篇樂天續有訓答皆含
戲謔極至風流兩篇之中並蒙見屬輒呈濫吹益
美來章

訓樂天齋滿日裴令公置宴席上戲贈

訓樂天偶題酒瓮見寄

答裴令公雪中訝白二十二與諸公不相訪之什

訓樂天請裴令公開春加宴

樂天示過敦詩舊宅有感一篇吟之泣然追想昔
事因成繼和以寄苦懷

吳方之見示聽江西故吏朱幼恭歌三篇頗有懷
故林之思吟諷不足因而和之

閑坐憶樂天以詩問酒熟未

和樂天洛城春齊梁體八韻

三月三日與樂天及河南李尹奉陪裴令公泛洛
禊飲各賦十二韻

寄和東川楊尚書慕巢兼寄西川繼之二公近從
弟兄情分偏睦早忝遊舊因成是詩

秋中暑退贈樂天

和樂天洛下雪中宴集寄汴州李尚書

喜遇劉二十八偶書兩韻聯句

劉二十八自汝赴左馮塗經洛中相見聯句

予自到洛中與樂天為文酒之會時時構詠樂不
可支則慨然共憶夢得而夢得亦分司至止歡愜

可知因為聯句

洛中早春贈樂天

和樂天讌李周美中丞宅池上賞櫻桃花

和牛相公遊南庄醉後寓言戲贈樂天兼見示

思黯南墅賞牡丹花

樂天少傅五月長齋廣延緇徒謝絕文友坐成睽
間因以戲之

樂天池館夏景方妍白蓮初開綠舟空泊唯邀緇

侶因以戲之

訓樂天晚夏閒居欲相訪先以詩見貽

訓樂天感秋涼見寄

樂天以愚相訪沽酒致歡因成七言聊以奉答

秋晚新晴夜月如練有懷樂天

和思黯南莊見示

同留守王僕射各賦春中一物從一韻至七

和樂天春詞依憶江南曲拍為句

謝樂天聞新蟬見贈

新秋對月寄樂天

訓樂天小臺晚坐見憶

早秋雨後寄樂天

和樂天秋涼閑卧

秋晚病中樂天以詩見問力疾奉酬

和樂天燒藥不成命酒獨醉

訓樂天詠老見示

歲夜詠懷

元日樂天見過因舉酒為賀

裴令公見示誚樂天寄奴買馬絕句斐然仰和且

戲樂天

誚思黯代書見戲

誚思黯見示小飲四韻

誚樂天醉後狂吟十韻

來章有移家
惟醉和之句

誚牛相公獨飲偶醉寓言見示

和僕射牛相公春日閑坐見懷

牛相公見示新什謹依本韻次用以抒下情

秋霖卽事聯句三十韻

喜晴聯句

會昌春連宴卽事

僕射來示有三春向晚四者難并之說誠哉是言
輒引起題重爲聯句疲兵再戰勅敵難降下筆之
時巖然自哂走呈僕射兼簡尚書

樂天是月長齋鄙夫此時愁卧里閭非遠雲霧難
披因以寄懷遂為聯句所期解悶焉敢驚禪

郡內書情獻裴侍中留守

功成頻獻乞身章擺落襄陽鎮洛陽萬乘旌旗分一半
八方風雨會中央兵符今奉黃公略書殿曾隨翠鳳翔
心寄華亭一雙鶴日陪高步繞池塘

訓樂天閑卧見寄

散誕向陽眠將閑敵地仙詩情茶助爽藥力酒能宣風

碎竹間日露明池底天同年未同隱緣乞買山錢

訓樂天小亭寒夜有懷

寒夜陰雲起踈林宿鳥驚斜風閃燈影迸雪打窓聲竟
夕不能寐同年知此情漢皇無奈老何況本書生

奉和裴晉公涼風亭睡覺

驪龍睡後珠元在仙鶴行時步又輕方寸瑩然無一事
水聲來似玉琴聲

和樂天閑園獨賞八韻前以蜂鶴拙句寄呈今

辱蝸蟻妍詞見答因成小巧以取大咍

永日無人事芳園任興行陶廬樹可愛潘宅雨新晴傳
粉琅玕節薰香菡萏莖榴花裙色好桐子藥圓成柳蠹
枝偏亞桑閑葉再生睢盱欲鬪雀索漠不言鶯動植隨
四氣飛沉含五情搶榆與水擊小大強為名

訓樂天衫酒見寄

酒法衆傳吳米好舞衣偏向越羅輕動搖浮蟻香濃甚
裝束輕鴻意態生閱曲定知能自適舉杯應歎不同傾

終朝相憶終年別對景臨風無限情

兩何如詩謝裴令公贈別二首

一言一顧重重何如今日陪遊清洛苑昔年別入承明廬

一東一西別別何如終期大冶再鎔鍊願託扶搖翔碧虛

將之官留辭裴令公留守

祖帳臨伊水前旌指渭河風烟里數少雲雨別情多重

疊受恩久邐迥如命何東山與東閣終異再經過

訓喜相遇同州與樂天替代

舊託松心契新交竹使符行年同甲子筋力羨丁夫別

後詩成帙攜來酒滿壺今朝停五馬不獨為羅敷

前章所言

春草白君之舞
妓也故有此答

奉和裴令公新成綠野堂即書

藹藹鼎門外澄澄洛水灣堂皇臨綠野坐卧看青山位
極却忘貴功成欲愛閑官名思管籥心術去機關禁苑

凌晨出園花及露攀池塘魚拔刺竹逕鳥綿蠻志在安
瀟灑嘗經歷險艱高情方造適衆意望徵還好客交珠
履華筵舞玉顏無因隨賀燕翔集畫梁間

自左馮歸洛下訓樂天兼呈裴令公

新恩通籍在龍樓分務神都近舊丘自有園公紫芝侶
時賓行四人
仍追少傅赤松遊華林霜葉紅霞晚伊水
盡在洛中

晴光碧玉秋更接東山文酒會始知江左未風流

王儉云江

左風流宰相
唯有謝安

秋齋獨坐寄樂天兼呈吳方之大夫

空齋寂寂不生塵
藥物方書繞病身
纖草數莖勝靜地
幽禽忽至似佳賓
世間憂喜雖無定
釋氏銷磨盡有因
同向洛陽閑度日
莫教風景屬他人

和樂天齋戒月滿夜對道場偶懷詠

常脩清靜去繁華
人識王城長者家
案上香烟鋪貝葉
佛前燈焰透蓮花
持齋已滿招閑客
理曲先聞命小娃
明日若過方丈室
還應問為法來耶

吳方之見示獨酌小醉首篇樂天續有訓答皆
含戲謔極至風流兩篇之中並蒙見屬輒呈濫
吹益美來章

開門共寂任張羅靜室同虛養太和塵世歡娛開意少
醉鄉風景獨遊多散金疎傅尋常樂枕麴劉生取次歌
計會雪中爭挈榼鹿裘鶴氅遞相過

訓樂天齋滿日裴令公置宴席上戲贈

一月道場齋戒滿今朝華幄管絃迎銜杯本自多狂態

事佛無妨有佞名酒力半酣愁已散文鋒未鈍老猶爭
平陽不獨容賓醉聽取喧呼吏舍聲

訓樂天偶題酒瓮見寄

從君勇斷拋名後世路榮枯見幾回門外紅塵人自走
甕頭清酒我初開三冬學任胃中有萬戶侯須骨上來
何幸相招同醉處洛陽城裏好池臺

答裴令公雪中訝白二十二與諸公不相訪之
什

玉樹瓊樓滿眼新的知開閣待諸賓遲遲未去非無意
擬作梁園坐右人

訓樂天請裴令公開春加宴

高名大位能兼有恣意遨遊是特恩二室烟霞成步障
三川風物是家園晨窺苑樹韶光動晚度河橋春思繁
絃管常調客常滿但逢花處即開樽

樂天示過敦詩舊宅有感一篇吟之泫然追想
昔事因成繼和以寄苦懷

淒涼同到故人居門枕寒流古木疎向秀心中嗟棟宇
蕭何身後散圖書本營歸計非無意唯筭生涯尚有餘
忽憶前因更惆悵丁寧相約速懸車

敦詩與予及樂天
三人同甲子平生

相約同
休洛中

吳方之見示聽江西故吏朱紉恭歌三篇頗有
懷故林之思吟諷不足因而和之

侯家故吏歌聲發逸處能高怨處低今歲洛中無雨雪
眼前風景是江西

閑坐憶樂天以詩問酒熟未

案頭開縹帙肘後檢青囊唯有達生理應無治老方
減書存眼力省事養心王君酒何時熟相攜入醉鄉

和樂天洛城春齊梁體八韻

帝城宜春入遊人喜意長草生李倫谷花出莫愁坊斷
雲發山色輕風漾水光樓前戲馬地樹下鬪雞場白頭
自為侶綠酒亦滿觴潘園觀種植謝墅閱池塘至閑似
隱逸過老不悲傷相問焉功德銀黃遊故鄉

三月三日與樂天及河南李尹奉陪裴令公泛
洛禊飲各賦十二韻

洛下今脩禊羣賢勝會稽盛筵陪玉鉉通籍盡金閨波
上神仙妓岸傍桃李蹊水嬉如鷺振歌響雜鶯啼歷覽
風光好汾河意思迷棹歌能儷曲墨客競分題翠幄連
雲起香車向道齊人誇綾步障馬惜錦障泥塵暗宮牆
外霞明苑樹西舟行隨鷁轉橋影與虹低川色晴猶遠
鳥聲暮欲棲唯餘踏青伴待月魏王堤

寄和東川楊尚書慕巢兼寄西川繼之二公近
從弟兄情分偏睦早忝遊舊因成是詩

太華蓮峯降嶽靈兩川棠樹接郊坰政同兄弟人人樂
曲奏埙篪處處聽楊葉百穿榮會府芝泥五色耀天庭
各拋筆硯誇旄鉞莫遣文星讓將星

秋中暑退贈樂天

暑服宜秋著清琴入夜彈人情皆向菊風意欲摧蘭歲
稔貧心泰天涼病體安相逢取次第却甚少年歡

和樂天洛下雪中宴集寄汴州李尚書

洛城無事足杯盤
風雪相和歲欲闌
樹上因依見寒鳥
坐中收拾盡閑官
笙歌要請頻何爽
笑語忘機拙更歡
遙想兔園今日會
瓊林滿眼映旂竿

喜遇劉二十八偶書兩韻聯句

病來佳興少
老去舊遊稀
笑語縱橫作
盃觴絡繹飛
度清談如水玉
逸韻貫珠璣
高位當金鉉
虛懷似布衣
禹己榮狂取樂
仍任醉忘機
捨眷將何適
留歡便是歸
居易

鳳儀常欲附蛟力自知微願假樽壘末膺門自此依

紳

劉二十八自汝赴左馮塗經洛中相見聯句

不歸丹掖去銅竹漫云云唯喜因過我須知未賀君

度

詩聞安石詠香見令公熏欲首函關路來披緱嶺雲

居易

貂蟬公獨步鴛鴦我同羣插羽先飛酒交鋒便戰文

紳

鎮嵩知表德定鼎為銘勲顧鄙容商洛徵歡候汝墳

錫禹

頻年多謔浪此夕任喧紛故態猶應在行期未要聞

度

游藩榮已久捧袂惜將分詎厭杯行疾唯愁日向曛

居易

窮陰初莽蒼離思漸氤氲殘雪午橋岸斜陽伊水濱

紳

上謨尊右掖全略靜東軍萬頃徒稱量滄溟詎有垠

禹錫

予自到洛中與樂天為文酒之會時時構詠樂

不可支則慨然共憶夢得而夢得亦分司至止

歡愜可知因為聯句

成周文酒會吾友勝鄒枚唯憶劉夫子而今又到來

度

欲迎先倒屣亦坐便傾盃飲許伯倫石詩推公幹才

並以

本事居易久曾聆郢唱重喜上燕臺晝話牆陰轉宵歡斗柄

迴禹錫新聲還共聽故態復相吟遇物皆先賞從花半

未開度起時烏帽側散處玉山頽墨客誼東閣文星犯

上台居易詠吟君稱首疎放我為魁憶戴何勞訪隨夢

得分司留髡不用猜宴席上老夫暫起奉觴承麴藥落

筆捧瓊瑰醉并無妨側詞鋒不可摧此兩韻美今水軒

看翡翠石徑踐莓苔童子能騎竹佳人解詠梅陪遊南宅之境

禹錫洛中三可矣鄴下七悠哉自向風光急不須絃管催

度樂觀魚踴躍閑愛鶴徘徊烟柳青凝黛波萍綠撥醅

居易
春榆初改火律管又飛灰紅藥多遲發碧松宜亂

栽禹錫
馬嘶馳陌上鷁泛鳳城隈色色時堪惜夢夢病

莫推度
涸流尋軋軋餘刃轉恢恢從此知心伏無因敢

自媒禹錫
室隨親客入席許舊寮陪逸興嵇將阮交情

陳與雷此二句屬夢得也居易
洪爐思哲匠大厦要羣材佗日登

龍路應知免曝顯禹錫

洛中早春贈樂天

漠漠復靄靄半晴將半陰春來自何處無迹日以深韶

嫩冰後木輕盈烟際林藤生欲有託柳弱不自任花意
已含蓄鳥言尚沉吟期君當此時與我恣追尋翻愁闌
漫後春暮却傷心

和樂天讌李周美中丞宅池上賞櫻桃花

櫻桃千萬枝照耀如雪天王孫讌其下隔水疑神仙宿
露發清香初陽動暄妍妖姬滿鬢挿酒客折枝傳同此
賞芳月幾人有華筵杯行勿遽辭好醉逸三年

和牛相公遊南庄醉後寓言戲贈樂天兼見示

城外園林初夏天就中野趣在西偏
薔薇亂發多臨水
鷓鴣雙遊不避船
水底遠山雲似雪
橋邊平岸草如烟
白家唯有杯觴興
欲把頭盤打少年

思黯南墅賞牡丹花

偶然相遇人間世
合在增城何姥家有此傾城好顏色
天教晚發賽諸花

樂天少傅五月長齋廣延緇徒謝絕文友坐成
暎間因以戲之

五月長齋戒深居絕送迎不離通德里便是法王城舉
目皆僧事全家少俗情精脩無上道結念未來生賓閣
緇衣占書堂信鼓鳴戲童為塔象啼鳥學經聲泰用青
菰角葵承玉露烹馬家供薏苡劉氏餉蕪菁暗網籠歌
扇流塵晦酒鐺不知何次道佛作幾時成

樂天池館夏景方妍白蓮初開綠舟空泊唯邀
緇侶因以戲之

池館今正好主人何寂然白蓮方出水碧樹未鳴蟬靜

室宵聞磬齋厨晚絕烟
蕃僧如共載應不是神仙

訓樂天晚夏閒居欲相訪先以詩見貽

池榭堪臨泛翛然散鬱陶
步因驅鶴緩吟為聽蟬
高林密添新竹枝低綻
晚桃酒醅晴易熟藥圃
夏頻薈老是班行舊閑
為鄉里豪經過更何處
風景屬吾曹

訓樂天感秋涼見寄

庭晚初辨色林秋微有聲
槿衰猶強笑蓮迴却多情
簷燕歸心動鴈驚俊氣生
閑人占閑景酒熟且同傾

樂天以愚相訪沽酒致歡因成七言聊以奉答
少年曾醉酒旗下同輩黃衣領亦黃蹴踏青雲尋入仕
蕭條白髮且飛觴今徵古事歡生雅客喚閑人興任狂
猶勝獨居荒草院蟬聲聽盡到寒螿

秋晚新晴夜月如練有懷樂天

雨歇晚霞明風調夜景清月高微暈散雲薄細鱗生露
草百蟲思秋林千葉聲相望一步地脉脉萬重情

和思黯南莊見示

丞相新家伊水頭
智囊心匠日增脩
化成池沼無痕跡
奔走清波不自由
臺上看山徐舉酒
潭中見月慢回舟
從來天下推尤物
合屬人間第一流

同留守王僕射各賦春中一物從一韻至七

鶯能語多情
春將半天欲明
始逢南陌復集東
城林疎時見影
花密但聞聲
營中緣催短笛
樓上來定哀箏
千門萬戶垂楊裏
百轉如簧烟景晴

和樂天春詞依憶江南曲拍為句

春去也多謝洛城人
弱柳從風疑舉袂
叢蘭裊露似霑巾
獨坐亦含顰

謝樂天聞新蟬見贈

碧樹鳴蟬後
烟雲改容光
瑟然引秋氣
芳草日夜黃
夾道喧古槐
臨池思垂楊
離人下憶淚
忠士激剛腸
昔聞阻山川
今聽同匡牀
人情便所遇
音韻豈殊常
因之比笙竽
送我遊醉鄉

新秋對月寄樂天

月露發光彩此時方見秋夜涼金氣應天靜火星流蛩
響偏依井螢飛直過樓相知盡白首清景復追遊

訓樂天小臺晚坐見憶

小臺堪遠望獨上清秋時有酒無人勸看山祇自知幽
禽轉新竹孤蓮落靜池高門勿遽掩好客無前期

早秋雨後寄樂天

夜雲起河漢朝雨洒高林梧葉先風落草蟲迎濕吟簟
涼扇恩薄室靜琴思深且喜炎前別安能懷寸陰

和樂天秋涼閑卧

暑退人體輕
雨餘天色改
荷珠貫索斷
竹粉殘粧在高
僧掃室請逸客
登樓待槐柳
漸蕭疎
閑門少光彩

秋晚病中樂天以詩見問力疾奉酬

耳虛多聽遠
展轉晨雞鳴
一室背燈卧
中宵掃葉聲
蘭芳經雨敗
鶴病得秋輕
肯踏衡門草
唯應是友生

和樂天燒藥不成命酒獨醉

九轉欲成就
百神應主持
嬰啼鼎上去
老貌鏡中悲
却

顧空丹竈回心向酒卮醺然耳熱後暫似少年時

訓樂天詠老見示

人誰不願老老去有誰憐身瘦帶頻減髮稀冠自偏廢
書緣惜眼多災為隨年經事還諳事閱人如閱川細思
皆幸矣下此便翛然莫道桑榆晚為霞尚滿天

歲夜詠懷

彌年不得意新歲又如何念昔同遊者而今有幾多以
閑為自在將壽補蹉跎春色無情故幽居亦見過

元日樂天見過因舉酒為賀

漸入有年數喜逢新歲來震方天
賴動寅位帝車回門巷掃殘雪
林園驚早梅與君同甲子壽酒讓
先杯

裴令公見示誚樂天寄奴買馬絕句斐然仰和且戲樂天

常奴安得似方回爭望追風絕足來
若把翠娥酬駉耳始知天下有奇才

訓思黯代書見戲

官冷如漿病滿身
凌寒不易過天津
少年留守多情興
請待花時作主人

訓思黯見示小飲四韻

拋却人間第一官
俗情驚怪我方安
兵符相印無心戀
洛水嵩雲恣意看
三足鼎中知味久
百尋竿上擲身難
追呼故舊連宵飲
直到天明興未闌

訓樂天醉後狂吟十韻

來章有移家
惟醉和之句

散誕人間樂逍遙
地上仙詩家登逸品
釋氏悟真筌制

誥留臺閣歌詞入管絃處身於木鴈任世變桑田吏隱
情兼遂儒玄道兩全八關齋適罷三雅興尤偏文墨中
年舊松筠晚歲堅魚書曾替代香火有因緣陸法和云與梁元帝於空王寺佛前訂香火因緣欲向醉鄉去猶為色界牽好吹楊柳曲
為我舞金鈿

訓牛相公獨飲偶醉寓言見示

宮漏夜丁丁千門閉霜月華堂列紅燭絲管靜中發歌
眉低有思舞體輕無骨主人啟酡顏酣暢浹肌髮猶思

城外客阡陌不可越春意日夕深此歡無斷絕

和僕射牛相公春日閑坐見懷

官曹崇重難頻入第宅清閑且獨行
階蟻相逢如偶語園蜂速去恐違程
人於紅藥惟看色鶯到垂楊不惜聲
東洛池臺怨拋擲移文非久會應成

牛相公見示新什謹依本韻次用以抒下情

劇韻新篇至因難始有能雨天龍變化晴日鳳騫騰遊
海驚何極聞韶素不曾愜心時拊髀擊節日麾肱符彩

漆墮墨波瀾起刺藤揀金光熠熠累壁勢層層珠媚多
藏賈花撩欲定僧封來真寶物寄與媿文朋已老無時
疾時洛中時癘多傷少年長貧望歲登雀羅秋寂寂蟲翅曉薨薨
羸驥方辭絆虛舟已絕絙榮華甘死別健羨亦生憎玉
柱瑋琬韻金觥電凸稜何時良宴會促膝對華燈

秋霖即事聯句三十韻

蕭索窮秋月蒼茫苦雨天泄雲生棟上行潦入庭前

居易

送上送苔色侵三徑波聲想五絃井蛙爭入戶轍鮒亂歸

泉

起送上中丞大監

高雷愁晨坐空階驚夜眠鶴鳴猶未已蟻

穴亦頻遷

禹錫送上少傅侍郎

散漫疎還密空濛斷又連竹霑青

玉潤荷滴白珠圓

居易

地濕灰蛾滅池添水馬憐有苗

霑霰霖無月弄潺湲

起

籬菊潛開秀園蔬已罷鮮斷行

隨鴈翅孤嘯聳鳶肩

禹錫

橋柱黏黃菌牆衣點綠錢草

荒行藥路沙泛釣魚船

居易

長者車猶阻高人榻且懸

此思劉台之來也

金烏何日見玉爵幾時傳

起

近井桐先落當

簷石欲穿超風誠有戀披霧邈無緣

禹錫以答懸懸之名

廩米陳

生醖庖薪濕起烟鳴雞潛報曉急景暗彫年

居易

蓋洒

高松上絲繁細柳邊拂叢時起蝶墜葉乍驚蟬

起

巾角

皆爭墊裙裾別似湔人多蒙翠被馬盡著連乾

禹錫

好

客無來者貧家但悄然寒泥印鶴跡漏壁絡蝸涎

居易

蚊聚雷侵室鷗翻浪滿川上樓愁幕幕遶舍厭濺濺

起

律候今秋矣歡娛久曠焉但令高興在晴後奉周旋

禹錫

喜晴聯句

苦雨晴何喜喜於未雨時氣收雲物變聲樂鳥鳥知

居易

送上僕射蕙泛光風圃蘭開皎月池十峰分遠近九陌好追

隨起送上尚書白日開天路玄陰卷地維餘清在林薄新照

入連漪禹錫碧樹涼先落青蕪濕更滋
煦毛經浴鶴曳

尾出泥龜居易舞去商羊速飛來野馬遲
柱邊無潤礎

臺上有遊絲起橋淨行塵息堤長禁柳垂
宮城開睥睨

觀闕麗景恩禹錫洛水澄清鎮嵩烟
展翠帷梁成虹乍

見市散蜚初移居易籍草風猶暖攀條露已晞
屋穿添

碧瓦牆缺召金縷起迴澈來雙目昏煩去四支
霞文晚

煥爛星彩夕參差

禹錫

爽助門庭肅寒摧草木衰黃乾

向陽菊紅洗得霜梨

居易

假蓋閑誰惜彈絃燥更悲散

蹄良馬穩炙背野人宜

起

洞戶晨輝入空庭宿霧披推

牀出書目傾筍上衣施

禹錫

道路行非阻軒居望可期

無辭訪圭竇且願見瓊枝

居易

山閣蓬萊客

古以祕書喻蓬萊

儲宮羽翼師

此言少傳

每優陪麗句何暇覲英姿

起以酬圭竇之言

翫景方搔首懷人尚斂眉因吟仲文什高興盡於斯

禹錫

會昌春連宴即事

元年寒食日上巳暮春天雞黍三家會鶯花二節連

居

易光風初淡蕩美景漸暄妍簪組蘭亭上車輿曲水邊

禹錫

松聲添奏樂草色助鋪筵雀舫宜閑泛螺杯任漫

傳

起

園蔬香帶露厨柳暗藏烟麗句輕珠玉清談勝管

絃

居易

陌喧金距鬪樹動綵繩懸姹女粧梳艷遊童衣

服鮮

禹錫

圃香知種蕙池暖憶開蓮怪石雲疑觸天桃

火欲燃

起

正歡唯恐散雖醉未思眠嘯傲人間世追隨

地上仙

居易

燕來雙涎涎鴈去累翩翩行樂真吾事尋

芳獨我先

禹錫

滯周慙太史

太史公留滯周南今榮示慙古人矣

入洛繼

先賢

此言劉白聲價與二陸爭長矣

昔恨多分手今歡謬比肩

起病猶

陪讌飲老更奉周旋望重青雲客情深白首年

居易

遍

嘗珍饌後許入畫堂前舞袖翻紅炬歌鬟插寶蟬

禹錫

斷金多感激倚玉貴遷延說史吞顏注論詩笑鄭箋

起

松筠寒不變膠漆冷彌堅興伴王尋戴

謂隨僕射過尚書也

榮同

隗在燕

居易謂

擲盧誇使氣刻燭鬪成篇實藝皆三捷虛

名愧六聯

禹錫

興闌猶舉白話靜每思玄更說歸時好

亭亭月正圓

起

僕射來示有三春向晚四者難并之說誠哉是
言輒引起題重為聯句疲兵再戰勅敵難降下
筆之時驟然自哂走呈僕射兼簡尚書

三春今向晚四者昔難并借問低眉坐何如攜手行

居

易舊遊多過隙新宴且尋盟鸚鵡林須樂麒麟閣未成

起分陰當愛惜遲景好逢迎林野薰風起樓臺穀雨晴

禹錫
牆低山半出池廣水初平橋轉長虹曲舟回小鷁

輕居易殘花猶布繡密竹自聞笙欲過芳菲節難忘宴

慰情起月輪行似箭時物勢如傾見鴈隨兄去聽鶯來

友聲禹錫蕙長書帶展菰嫩剪刀生坐密衣裳暖堂虛

絲管清居易峰巒侵碧落草木近朱明與點非沂水陪

膺是洛城白嘗為三川守故云起撥醅爭綠醕卧酪待朱櫻幾處

能留客何人喚解醒禹錫舊儀尊右相新命寵春卿有

喜鵲頻語無機鷗不驚居易青林思小隱白雪仰芳名

訪舊殊千里登高賴九城起鄮侯司管鑰踈傅傲簪纓

綸綽曾同掌烟霄即上征

禹錫

冊庭嘗接武書殿忝連

衡蘭室春彌馥松心晚更貞

居易

琴招翠羽下釣掣紫

鱗呈只願回烏景誰能避兕觥

起

方知醉兀兀應勝走

營營鳳閣鸞臺路從他年少爭

居易更呈二公

樂天是月長齋鄙夫此時愁卧里閭非遠雲霧

難披因以寄懷遂為聯句所期解悶焉敢驚禪

五月長齋月文心苦行心蘭葱不入戶蒼蘆自成林

夢

得護戒先辭酒嫌喧亦徹琴塵埃賓位靜香火道場深

樂天

我靜馴狂象餐餘施衆禽定知於佛佞豈復向書

淫夢得

欄藥凋紅艷庭槐換綠陰風光徒滿目雲霧未

披襟

樂天

樹為清涼倚池因盥漱臨蘋芳遭燕拂蓮圻

待蜂尋

夢得

舍下環流水窓中列遠岑苔斑錢剝落石

怪玉竅峯

樂天

鵲頂迎秋禿鶯喉入夏瘖柳絲垂色緹

棘刺露長針

夢得

散秩身猶幸趨朝力不任官將方共

拙年與病交侵

樂天

狗樂非時選忘機似陸沉鑒容稱

四皓捫腹有三壬

夢得

攜手慙連壁同心許斷金紫芝

雖繼唱

前後各在賓客

白雪少知音

樂天

憶罷吳門守相逢楚

水潯舟中頻曲宴夜後各加斟

夢得

濁酒銷殘漏絃聲

間遠砧酤顏舞長袖密坐接華簪

樂天

持論峰巒峻戰

文矛戟森笑言誠莫逆造次必相箴

夢得

往事應如昨

餘歡迄至今迎君常倒屣訪我輒攜衾

樂天

陰魄初離

畢

將有後雨

陽光正在參

五月節

待公休一食縱飲共狂吟

夢

得

劉賓客外集卷四

欽定四庫全書薈要卷一萬三千八百五十九

集部

劉賓客外集卷五

唐 劉禹錫 撰

詩

答張侍御賈喜再登科後自洛赴上都贈別

和武中丞秋日寄懷簡諸僚故

赴連州途經洛陽諸公置酒相送張員外賈以詩

見贈率爾酬之

贈元九侍御文石枕以詩獎之



訓元九侍御贈壁州鞭長句

和李六侍御文宣王廟釋奠作

敬訓徹公見寄二首

訓元九院長自江陵見寄

韓十八侍御見示岳陽樓別竇司直詩因令屬和
重以自述故足成六十二韻

訓竇員外使君寒食日途次松滋渡先寄示四韻
和竇中丞晚入容江作

呂八見寄郡內書懷因而戲和

寄楊八拾遺

時出為國子主簿分司東都之十八員外亦轉國子博士同在洛陽

訓實員外郡齋宴客偶命柘枝因見寄兼呈張十

一院長元九侍郎

員外時兼節度支判官佐平蠻之畧張初罷都官元方從事

謝實員外旬休早涼見示詩

奉書報詰朝有宴

訓楊侍郎憑見寄二首

南海馬大夫見惠著述三通勒成四帙上自遂古

達於國朝采其菁華至簡如富欽受嘉貺詩以謝

之

南海馬大夫遠示著述兼誚拙詩輒著微誠再有
長句時蔡戎未弭故見於篇末

和楊侍郎初至郴州紀事書情題郡齋八韻

和郴州楊侍郎翫郡齋紫薇花十四韻

和南海馬大夫聞楊侍郎出守郴州因有寄上之
作

奉和鄭相公以考功十弟山薑花俯賜篇什

馬大夫見示浙西王侍御贈答詩因命同作大夫榮踐

舊府又歷交趾桂林南人歌之列在風什王侍御公易一別歲除寄末篇以代札

訓馬大夫登涯口戍見寄

訓馬大夫以愚獻通茷萸酒感通拔二字因而寄

別之作

答楊八敬之絕句楊生時亦謫居

鄂渚留別李二十一表臣大夫

答表臣贈別二首

始發鄂渚寄表臣二首

出鄂州界懷表臣二首

重寄表臣二首

寄唐州楊八歸厚

重寄絕句

春日寄楊八唐州二首

寄朗州溫右使曹長

和東川王相公新漲驛池八韻

訓楊八副使將赴湖南途中見寄一絕

訓楊司業巨源見寄

訓國子崔博士立之見寄

訓馮十七舍人宿衛贈別五韻

答張侍御賈喜再登科後自洛赴上都贈別

又被時人寫姓名春風引路入京城知君憶得前身事
分付鶯花與後生

和武中丞秋日寄懷簡諸僚故

退朝還公府騎吹息繁音吏散秋庭寂
烏啼烟樹深威生奉白簡道勝外華簪
風物清遠目功名懷寸陰雲衢念前侶
綵翰寫冲襟涼菊照幽院敗荷攢碧潯
感時江海思報國松筠心空愧壽陵步
芳塵何處尋

赴連州途經洛陽諸公置酒相送張員外賈以
詩見贈率爾酬之

謫在三湘最遠州邊鴻不到水南流
如今暫寄尊前笑明日辭君步步愁

贈元九侍御文石枕以詩獎之

文章似錦氣如虹
宜薦華簪綠殿中
縱使真飈生旦夕
猶堪拂拭愈頭風

訓元九侍御贈壁州鞭長句

碧玉孤根生在林
美人相贈比雙金
初開郢客緘封後
想見巴山冰雪深
多節本懷端直性
露青猶有歲寒心
何時策馬同歸去
關樹扶疎敲鐙吟

和李六侍御文宣王廟釋奠作

歎息魯先師生逢周室卑有心律天道無位救陵夷歷
聘不能用領徒空爾為儒風正禮樂旅象入著龜西狩
非其應中都安足施世衰由我賤泣下為人悲遺教光
文德興王叶夢期土田封後肩冕服飾虛儀鐘鼓膠庠
薦牲牢郡邑祠聞君喟然歎偏在上丁時

敬訓徹公見寄二首

淒涼沃洲僧憔悴柴桑宰別來二十年唯餘兩心在
越江千里鏡越嶺四時雪中有逍遙人夜深觀水月

訓元九院長自江陵見寄

無事尋花至仙境等閑栽樹比封君
金門通籍多真士黃紙除書每日聞

韓十八侍御見示岳陽樓別竇司直詩因令屬
和重以自述故足成六十二韻

楚江何蒼然曾瀾七百里孤城寄遠目一寫無窮已
蕩漾浮天蓋四環宣地里積漲在三秋混成非一水
冬遊見清淺春望多洲渚雲錦遠沙明風烟青草靡
火星忽

南見月破方東迤雪波西山來隱若長城起獨專朝宗
路駛悍不可止支川讓其威蓄縮至南委熊武走蠻落

熊武二溪名

瀟湘來與鄙炎蒸動泉源積潦搜山趾歸往無

旦夕包含通遠邇行當白露時眇視秋光裏曙色未昭
晰露華遙斐豐浩耳神骨清如觀混元始北風忽震盪
驚浪迷津溪怒激鼓鏗訇蹙成山巋鴟鵬疑變化罔
象何恢詭噓吸寫樓臺騰驤露鬚尾景移羣動息波靜
繁音弭明月出中央青天絕纖滓素光淡無際綠靜平

如砥空影渡鵝鴻秋聲思蘆葦鮫人弄機杼貝闕駢紅
紫珠蛤吐玲瓏文鯨翔旖旎水鄉吳蜀限地勢東南庠
翼軫繁垂精衡巫屹環峙名雄七澤數國辨三苗氏唐
羿斷脩蛇荆王憚

下逆反

青兕秦狩跡猶在虞巡路從此

軒后奏宮商騷人詠蘭芷茅嶺潛相應橘洲傍可指郭
璞驗幽經羅含著前紀觀津戚里族按道侯家子聯袂
登高樓臨軒笑相視假守亦高卧

實時權領郡事

墨曹正垂耳

韓亦量移
江陵法曹契濶話溫涼壺觴慰遷徙地偏山水秀客重

杯盤侈紅袖花欲然銀燈晝相似興酣更抵掌樂極同
啟齒筆鋒不能休藻思一何綺伊余負微尚夙昔慙知
已出入金馬門交結青雲士襲芳踐蘭室學古遊槐市
策慕宋前軍文師漢中壘陋容昧俯仰孤志無依倚衛
足不如葵漏川空歎蟻幸逢萬物泰獨處窮途否鍛翮
重疊傷兢魂再三褫遽瑗亦屢化左丘猶有恥桃源訪
仙宮薜服祠山鬼故人南臺舊一別如弦矢今朝會荆
蠻斗酒相宴喜為余出新什笑拈隨伸紙奕若觀五色

歡然臻四美委曲風濤事分明窮達旨洪韻發華鐘淒
音激清微羊濬要平聲共和江淹多雜擬徒欲仰高山
焉能追逸軌湘洲路四達已陵城百雉何必顏光祿留
詩張內史

訓實員外使君寒食日途次松滋渡先寄示四
韻

楚鄉寒食橘花時野渡臨風駐綵旗草色連雲人去住
水紋如縠燕差池朱輪尚憶羣飛雉青綬初縣左顧龜

非是湓城舊司馬水曹何事與新詩

和竇中丞晚入容江作

漢郡三十六鬱林東南遙人倫選清臣天外頒詔條桂
水步秋浪火山凌霧朝分圻辨風物入境聞謳謠莎岸
見長亭烟林隔麗譙日落舟益駛川平旗自飄珠浦遠
明滅金沙晴動搖一吟道中作離思懸層霄

呂八見寄郡內書懷因而戲和

文苑振金聲循良冠百城不知今史氏何處列君名

寄楊八拾遺

時出為國子主簿分司東都韓十八員外亦轉國子博士同在洛陽

聞君前日獨庭爭漢帝偏知白馬生忽領簿書遊太學
寧勞侍從厭承明洛陽本自宜才子海內而今有直聲
為謝同寮老博士范雲來歲即公卿

訓實員外郡齋宴客偶命柘枝因見寄兼呈張

十一院長元九侍郎

員外時兼節度判官佐平蠻之略張初罷都官元方

從事

分憂餘刃又從公白羽胡牀嘯詠中綵筆諭戎矜倚馬

華堂留客看驚鴻渚宮油幕方高步
澧浦甘棠有幾叢
若問騷人何處所門臨寒水落江楓

謝實員外旬休早涼見示詩

奉書報詰
朝有宴

新秋十日澣朱衣鈴閣無聲公吏歸
風韻漸高梧葉動
露光初重槿花稀四時苒苒催容鬢
三爵油油忘是非
更報明朝池上酌人知太守字玄暉

訓楊侍郎憑見寄二首

翔鸞闕底謝皇恩纓上滄浪舊水痕
疎傳揮金忽相憶

遠攀長句與招魂

十年毛羽催頽一旦天書召回看看花時欲到故侯也
好歸來

南海馬大夫見惠著述三通勒成四帙上自邃
古達于國朝采其菁華至簡如富欽受嘉貺詩
以謝之

紅旗閱五兵絳帳領諸生味道輕鼎食退公猶筆耕青
箱傳學遠金匱納書成一瞬見前事九流當抗行編蒲

曾苦思垂竹媿無名今日承芳訊誰言贈袞榮

南海馬大夫遠示著述兼訓拙詩輒著微誠再
有長句時蔡戎未弭故見於篇末

漢家旌節付雄才百越南溟統外臺身在絳紗傳六藝
腰懸青綬亞三台連天浪靜長鯨息映日帆多寶舶來
聞道楚氛猶未滅終須旌旆掃雲雷

和楊侍郎初至郴州紀事書情題郡齋八韻

旌節下朝臺分圭從北回城頭鶴立處驛樹鳳栖來

蘇耽

傳云後化為仙鶴止城東北隅樓上又州北栖鳳麟圖經云常有威鳳降於寒梧也舊路芳塵在

新恩驛騎催里閭風偃草鼓舞抃成雷吏散山禽轉庭
香夏蕊開郡齋堪四望壁記有三台人訝徵黃晚文非
弔屈哀一吟梁甫曲知是卧龍才

和郴州楊侍郎詵郡齋紫薇花十四韻

幾年丹霄上出入金華省暫別萬年枝看花桂陽嶺南
方多奇樹公府成佳境綠陰交廣除明艷透蕭屏雨餘
人吏散燕語簾櫳靜懿此含曉芳脩然忘簿領紫茸垂

組縷金樓攢鋒穎露溥暗傳香風輕徐就影并弱多意
思從容占光景得地在侯家移根近仙井開罇好凝睇
倚瑟仍回頭遊蜂駐綵冠舞鶴迷烟頂興生紅藥後愛
與甘棠並不學天桃姿浮榮在俄頃

和南海馬大夫聞楊侍郎出守郴州因有寄上
之作

忽驚金印駕朱轡遂別鳴珂聽曉猿碧落仙來雖暫謫
赤泉侯在是深恩玉環慶遠瞻台座銅柱勲高壓海門

一詠瓊瑤百憂散何勞更樹北堂萱

奉和鄭相公以考功十弟山薑花俯賜篇什

採擷黃薑藥封題青鎖闥共聞調膳日正是退朝歸響
為纖筵發情隨綵翰飛故將天下寶萬里與光輝

馬大夫見示浙西王侍御贈答詩因命同作

大夫

榮踐舊府又歷交趾桂林南人歌之列在風
什王侍御公易一別歲除寄末篇以代札

憶逐羊車凡幾時今來舊府統成師象筵照室會詞客
銅鼓臨軒舞海夷百越酋豪稱故吏十洲風景助新詩

秣陵從事何年別一見瓊章如素期

訓馬大夫登涯口戍見寄

新辭金印拂朝纓臨水登山四體輕
猶念天涯未歸客瘴雲深處守孤城

訓馬大夫以愚獻通草茭葵酒感通拔二字因而
寄別之作

泥沙難振拔誰復問窮通莫訝提壺贈家傳枕麴風成
謠獨酌後深意片言中不進終無已應須荀令公

答楊八敬之絕句

楊生時亦謫居

飽霜孤竹聲偏切
帶火焦桐韻本悲
今日知音一留聽
是君心手不平時

鄂渚留別李二十一表臣大夫

高檣起行色
促柱動離聲
欲問江深淺
應如遠別情

答表臣贈別二首

昔為瑤池侶
飛舞集蓬萊
今作江漢別
風雪一徘徊
嘶馬立未還
行舟路將轉
江頭暝色深
揮袖依稀見

始發鄂渚寄表臣二首

祖帳管絃絕客帆淒風生回車已不見猶聽馬嘶聲
曉發柳林戍遙城聞五鼓憶與故人眠此時猶晤語
出鄂州界懷表臣二首

離席一揮杯別愁今尚醉遲遲有情處却恨江帆駛
夢覺疑連榻舟行忽千里不見黃鶴樓寒沙雪相似
重寄表臣二首

對酒臨流奈別何君今已醉我蹉跎分明記取星星鬢

他日相逢應更多

世間人事有何窮
過後思量盡是空
早晚同歸洛陽陌
一鄰須近祝雞翁

寄唐州楊八歸厚

淮安古地雍州師
畫角金饒旦夕吹
淺草遙迎鷓鴣馬
春風亂颭辟邪旗
謫仙年月今應滿
鰲諫聲名衆所知
何況遷喬舊同伴
一雙先入鳳皇池

時徐晦揚嗣復二舍人與唐州同年

及第

重寄絕句

淮西既是平安地，鷄路今無羽檄飛。
聞道唐州最清靜，戰場耕盡野花稀。

春日寄楊八唐州二首

淮西春草長，淮水逶迤光。
燕入新村落，人耕舊戰場。
可憐行春守，立馬看斜桑。

漠漠淮上春，蒨苗生故壘。
梨花方城路，荻笋蕭陂水。
高齋有謫仙，坐嘯清風起。

寄朗州溫右史曹長

暫別瑤墀鴛鴦行綵旗雙引到沅湘城邊流水桃花過
簾外春風杜若香史筆枉將書紙尾朝纓不稱濯滄浪
雲臺公業家聲在徵詔何時出建章

和東川王相公新漲驛池八韻

今日池塘上初移造物權苞藏成別島汨濁致清漣變
化生言下蓬瀛落眼前泛觴驚翠羽開幕對紅蓮遠寫
風光入明含氣象全渚烟籠驛樹波日漾賓筵曲岸留

金匱山房
卷五
緹騎中流轉綵船無因接元禮共載比神仙

訓楊八副使將赴湖南途中見寄一絕

知逐征南冠楚材遠勞書信到陽臺明朝若上君山望
一道巴江自此來

訓楊司業巨源見寄

壁雍流水近靈臺中有詩篇絕世才渤海歸人將集去
梨園子弟請詞來瓊枝未識魂空斷寶匣初臨手自開
莫道專城管雲雨其如心似不燃灰

訓國子崔博士立之見寄

健筆高科早絕倫
後來無不揖芳塵
遍看今日乘軒客
多是昔年呈卷人
胄子執經瞻講座
郎官共食接華裀
煩君遠寄相思曲
慰問天南一逐臣

訓馮十七舍人宿衛贈別五韻

少年為別日
隋宮楊柳陰
白首相逢處
已江烟浪深
使星上三蜀
春雨霑衣襟
王程促速意
夜雨殷勤心
却歸天上
去遺我雲間音

劉賓客外集卷五

謹案卷四第七頁前五行搶榆與水擊原本搶訛
槍今據莊子逍遙遊改

第二十四頁前七行市散蜋初移原本蜋訛蟻今
據白香山詩集改

卷五第八頁後一行非是湓城舊司馬原本舊訛
魚今據全唐詩改

第九頁前一行韓十八員外原本韓訛之今據全
唐詩改

第九頁後三行奉書報詰朝有宴原本詰訛言今

據全唐詩改



總校官庶吉士臣侍朝

校對官庶吉士臣陳崇本

謄錄監生臣宣葆光

欽定四庫全書薈要

集部

劉賓客外集卷八

六至

詳校官助教臣常循




欽定四庫全書薈要卷一萬三千八百六十

集部

劉賓客外集卷六

唐 劉禹錫 撰

詩

唐侍御寄遊道林嶽麓二寺詩并沈中丞姚員外
所和見徵繼作

遙和韓睦州元相公二君子

張郎中籍遠寄長句開緘之日已及新秋因舉目

前仰酬高韻

訓湖州崔郎中見寄

訓楊八庶子喜韓吳興與余同遷見贈

依本韻
次用

秋日書懷寄河南王尹

浙東元相公書歎梅雨鬱蒸之候因寄七言

訓嚴給事賀加五品兼簡同制水部李郎中

裴相公大學士見示答張祕書謝馬詩并羣公屬

和因命追作

奉和司空裴相公中書即事通簡舊僚之作

微之鎮武昌中路見寄藍橋懷舊之作悽然繼和
兼寄安平

奉和裴侍中將赴漢南留別座上諸公

和兵部鄭侍郎省中四松詩十韻

松是中書相公
任侍郎手栽

和蘇郎中尋豐安里舊居寄主客張郎中

將赴蘇州途出洛陽留守李相公累申宴餞寵行
話舊形於篇章謹抒下情以申仰謝

吳興敬郎中見惠班竹杖兼示一絕聊以謝之

和浙西王尚書聞常州楊給事製新樓因寄之作
訓浙東李侍郎越州春晚即事長句

訓淮南牛相公述舊見貽

訓鄭州權舍人見寄十二韻

奉和裴令公夜宴

洛濱病卧李侍郎見惠藥物謔以文星之句

訓留守牛相公宮城早秋寓言見寄

牛相公留守見示城外新墅有溪竹秋月親情多

往宿遊恨不得去因成四韻兼簡洛中親故之什
兼命同作

和僕射牛相公追感韋裴六相登庸皆四十餘未
五十薨歿宣早榮早枯之義今年將六十猶粗強
健因親故勸酒率然成篇并見寄之作

和僕射牛相公以離闕庭七年班行親故亡歿十
無一人再覩龍顏喜慶雖極感歎風燭能不愴然
因成四韻并示集賢中書二相公所和

和僕射牛相公見示長句

和牛相公雨後寓懷見示

牛相公林亭雨後偶成

和牛相公題姑蘇所寄太湖石兼寄李蘇州

和陳許王尚書酬白少傅侍郎長句因通簡汝洛
舊遊之什

和僕射牛相公寓言二首

和牛相公南溪醉歌見寄

訓僕射牛相公晉國池上別後至甘棠館忽夢同
游因成口號見寄

裴侍郎大尹雪中遺酒一壺兼示喜眼疾平一絕
有間行把酒之句斐然仰酬

訓太原狄尚書見寄

訓宣州崔大夫見寄

訓皇甫十少尹暮秋久雨喜晴有懷見示

唐侍御寄遊道林嶽麓二寺詩并沈中丞姚員

外所和見徵繼作

湘西古剎雙蹲蹲羣峰朝拱如駿奔青松步障深五里
龍宮黯黯神為閣高殿呀然壓蒼巘俯瞰長江疑欲吞
橘洲泛浮金實動水郭繚繞朱樓騫語餘百響入天籟
衆竒引步輕翻翻泉清石布博碁子蘿密鳥韻如簧言
回廊架險高且曲新徑穿林明復昏淺流忽濁山獸過
古木半空天火痕星使雙飛出禁垣元侯餞之遊石門
紫髯翼從紅袖舞竹風松雪香溫磨遠持青瑣照巫峽

一夏驚斷三聲猿
靈山會中身不預
吟想峭絕愁精魂
恨無黃金千萬餅
布地買取為丘園

遙和韓睦州元相公二君子

玉人紫綬相輝映
却要霜髯一兩莖
其奈無成空老去
每臨明鏡若為情

張郎中籍遠寄長句開緘之日已及新秋因舉
目前仰酬高韻

南宮詞客寄新篇
清似湘靈促柱絃
京邑舊遊勞夢想

歷陽秋色正澄鮮
雲銜日脚成山雨
風駕潮頭入渚田
對此獨吟還獨酌
知音不見思蒼然

訓湖州崔郎中見寄

風箏吟秋空不肖
指爪聲高人靈府
閒律呂伴咸英
昔年與兄遊文似
馬長卿今來寄新
詩乃類陶淵明
磨礱老益智吟詠
閑彌精豈非山水
鄉蕩漾神機清渚
烟蕙蘭動溪雨虹
蜺生馮君虛上舍
待我乘興行

訓楊八庶子喜韓吳興與余同遷見贈

依本韻
次用

早遇聖明朝鴈行登九霄

吳興與余
中外兄弟

文輕傳武仲酒逼

蓋寬饒捨矢同瞻鵠當筵共賽梟

吳興與余同
年判入等第

琢磨三

盆重唱和五音調臺柏烟長起池荷香暗飄

吳興與余
同為御臺

門外有蓮池也

星文辭北極旗影度東遼

吳興自度支郎中出
為行軍司馬所從即

范僕射昔范明
友為度遼將軍

直道由來黜浮名豈敢要三湘與百越

雨散又雲遙遠守慙侯籍徵還荷詔條賴容惟舌在別

恨幾魂銷滿眼悲陳事逢人少舊僚烟霞為老伴蒲柳

任先凋虎綬懸新印龍舸理去橈斷腸天北郡攜手洛

陽橋幢蓋今雖貴
弓旌曾見招其如
草玄客空宇久寥
寥

秋日書懷寄河南王尹

公府想無事西池秋水清
去年為狎客永日奉高情
況有臺上月如聞雲外笙
不知桑落酒今歲與誰傾

浙東元相公書歎梅雨鬱蒸之候因寄七言

稽山自與岐山別何事連年鶯鶯飛
百辟商量舊相入
九天祇候老臣歸
平湖晚泛窺清鏡
高閣晨開掃翠微

今日看書最惆悵為聞梅雨損朝衣

訓嚴給事賀加五品兼簡同制水部李郎中

九天雨露傳青詔八舍郎官換綠衣初佩銀魚隨仗入
宜乘白馬退朝歸彫盤賀喜開瑤席綵筆題詩出瑣闥
聞道水曹偏得意霞朝霧夕有光輝

裴相公大學士見示答張祕書謝馬詩并羣公
屬和因命追作

草玄門戶少塵埃丞相并州送馬來初自塞垣銜苜蓿

忽行幽徑破莓苔尋花緩轡威遲去帶酒垂鞭躑躅回
不與王侯與詞客知輕富貴重清才

奉和司空裴相公中書即事通簡舊僚之作

談笑在巖廊人人盡所長儀形見山立文字動星光日
運丹青筆時看赤白囊佇聞戎馬息入賀願駕行

微之鎮武昌中路見寄藍橋懷舊之作悽然繼
和兼寄安平

今日油幢引他年黃紙追同為三楚客獨有九霄期宿

草恨長在傷禽飛尚遲武昌應已到新柳映紅旗

奉和裴侍中將赴漢南留別座上諸公

金貂曉出鳳池頭玉節前臨南雍州暫輟洪鑪觀劍戟
還將大筆注春秋管絃席上留高韻山水途中入勝遊
峴首風煙看未足便應重拜富民侯

和兵部鄭侍郎省中四松詩十韻

松是中書相公任侍郎手

栽

右相歷中臺移松武庫栽紫茸抽組綬青實長玫瑰便

有干霄勢看成構厦材數分天柱半影逐日輪迴舊賞
台階去新知谷口來息陰常仰望翫境幾徘徊翠粒晴
懸露蒼鱗雨起苔凝音助瑤瑟飄藥泛金壘月桂花逸
燭星榆葉對開終須似雞樹榮茂近昭回

和蘇郎中尋豐安里舊居寄主客張郎中

漳濱卧起恣閑遊宣室徵還未白頭舊隱來尋通德里
新篇寫出畔牢愁池看科斗成文字鳥聽提壺憶獻酬
同學同年又同舍許君雲路並華輶

將赴蘇州途出洛陽留守李相公累申宴餞寵
行話舊形於篇章謹抒下情以申仰謝

歲杪風物動雪餘宮苑晴兔園賓客至金谷管絃聲洛
水故人別吳宮新燕迎越郎憂不淺懷袖有瓊英

吳興敬郎中見惠班竹杖兼示一絕聊以謝之
一莖炯炯琅玕色數節重重玳瑁文拄到高山未登處
青雲路上願逢君

和浙西王尚書聞常州楊給事製新樓因寄之

作

文昌星象盡東來油幕朱門次第開且上新樓看風月

會乘雲雨一時回

尚書在南宮為左丞給事與禹錫皆是郎吏

訓浙東李侍郎越州春晚即事長句

越中鵲鵲繁華地秦望峰前禹穴西湖草初生邊鴈去

山花半謝杜鵑啼青油畫捲臨高閣紅旆晴翻繞古堤

明日漢庭徵舊德老人爭出若耶溪

後漢劉寵拜會稽太守及徵還山陰

忽有五六老叟自若耶山谷間出人齎百錢以送寵勞之答曰自明府下車民不見吏年老遭值聖明故奉送

寵為人選一
大錢受之

訓淮南牛相公述舊見貽

少年曾忝漢庭臣
老歲空餘晚病身
初見相如成賦日
尋為丞相掃門人
追思往事咨嗟久
喜奉清光笑語頻
猶有登朝舊冠冕
待公三入拂埃塵

訓鄭州權舍人見寄十二韻

朱戶凌晨啟碧梧
含早涼人從桔槔
至書到漆沮傍
拈會因佳句情深取
斷章愜心同笑語
入耳勝笙簧憶昔

三條路居鄰數仞牆

舍人舊宅光福時忝東鄰

學堂青玉案綵服紫

羅囊麟角看成就龍駒見抑揚
轂中飛一箭雲際落雙

鶴

舍人一舉登科又判入等第

旬邑叨前列天臺愧後行

鄙人為渭南主簿十

年舍人方尉此邑及罹謫謫重入南宮為禮部郎中舍人方任考功員外

鯉庭傳事業雞樹

遂翱翔書殿連鵷鵠神池接鳳凰
追遊蒙尚齒惠好結

中腸

鄙人在集賢與西掖接近日夕追遊

微翮方擡舉危根易損傷
一麾

憐弃置五字借恩光

鄙人出牧姑蘇舍人草制

汝海崆峒秀溱流芍

藥芳風行能偃草境靜不爭桑

鄙人轉臨汝舍人牧滎陽

轉旆趨闕

右頒條匝渭陽病吟猶有思老醉已無狂塵滿鴻溝道
沙驚白狄鄉佇聞黃紙詔促召紫微郎

奉和裴令公夜宴

天下蒼生望不休東山雖有但時遊從來海上仙桃樹
肯逐人間風露秋

洛濱病卧李侍郎見惠藥物謔以文星之句

隱几支頤對落暉故人書信到柴扉周南留滯商山老
星象如今屬少微

訓留守牛相公宮城早秋寓言見寄

曉月映宮樹秋光起天津涼風稍動葉宿露未生塵景
氣尚芳麗曠望感心神揮毫成逸韻開閣遲來賓擺去
將相印漸為逍遙身如招後房宴却要白頭人

牛相公留守見示城外新墅有溪竹秋月親情
多往宿遊恨不得去因成四韻兼簡洛中親故
之什兼命同作

別墅洛城外月明村墅通光輝滿地上絲管發舟中堤

豔菊花露島涼松葉風高情限清禁寒漏滴深宮

和僕射牛相公追感韋裴六相登庸皆四十餘
未五十薨歿豈早榮早枯之義今年將六十猶
粗強健因親故勸酒率然成篇并見寄之作

坐鎮清朝獨殷然閑徵故事數前賢用才同踐鈞衡地
稟氣終分大小年威鳳本池思泛泳仙查舊路望回旋
猶憐綺季深山裏唯有松風與石田

和僕射牛相公以離闕庭七年班行親故亡歿

十無一人再覩龍顏喜慶雖極感歎風燭能不
愴然因成四韻并示集賢中書二相公所和

久辭龍闕擁紅旗喜見天顏拜赤墀三省英寮非舊侶
萬年芳樹長新枝交朋接武居仙院幕客追風入鳳池
雲母屏風即施設可憐榮耀冠當時

和僕射牛相公見示長句

靜得天和興自濃不緣宦達性靈慵
大鵬六月有閑意仙鶴千年無躁容
流輩盡來多歎息官班高後少過從

唯應加築露臺上，賸見終南雲外峰。

和牛相公雨後寓懷見示

金火交爭正抑揚，蕭蕭飛雨助清商。
曉看紈扇恩情薄，夜覺紗燈刻數長。
樹上早蟬纔發響，庭中百草已無光。
當年富貴亦惆悵，何況悲翁髮似霜。

牛相公林亭雨後偶成

飛雨過池閣，浮光生草樹。
新竹開粉奩，初蓮發香注。
野花無時節，水鳥自來去。
若問知境人，人間第一處。

和牛相公題姑蘇所寄太湖石兼寄李蘇州

震澤生奇石沈潛得地靈
初辭水府出猶帶龍宮腥
發自江湖來榮卿相庭從風
夏雲勢上漢古查形拂拭
魚鱗見鏗鏘玉韻聆烟波含
宿潤苔蘚助新青嵌穴胡
雛貌纖鋌蟲篆銘孱顏傲林
薄飛動向雷霆煩熱近還
散餘醒見便醒凡禽不敢息
浮塏莫能停靜稱垂松蓋
鮮宜映鶴翎忘憂常目擊素
尚與心冥眇小欺湘燕團
圓笑落星徒然想融結安可
測年齡採取詢鄉耆搜求

按舊經垂鈎入空隙隔浪動晶熒有獲人爭賀歡謠衆
共聽一州驚閱寶千里遠揚舲覩物洛陽陌懷人吳御
亭寄言垂天翼早晚起滄溟

和陳許王尚書酬白少傅侍郎長句因通簡汝
洛舊遊之什

寥廓高翔不可追風雲失路暫相隨方同洛下書生詠
又見軍前大將旗雪裏命賓開玉帳飲中請號駐金卮
竹林一日王戎去嵇阮雖貧興未衰

和僕射牛相公寓言二首

兩度竿頭立定誇，回眸舉袖拂青霞。
盡拋今日貴人樣，復振前朝名相家。
御史定來休直宿，尚書依舊趁參衙。
具瞻尊重誠無敵，猶憶洛陽千樹花。

心如止水鑒常明，見盡人間萬物情。
鵬鷃騰空猶逞俊，驂騑啣足自無驚。
時來未覺權為崇，貴了方知退是榮。
只恐重重世緣在，事須三度副蒼生。

和牛相公南溪醉歌見寄

脫屣將相守冲謙唯於山水獨不廉枕伊背洛得勝地

鳴皋少室來軒簷相

去聲

形面勢默指畫言下變化隨

顧瞻清池曲榭人所致野趣幽芳天與添有時轉入潭

島間珍木如幄藤為簾忽然便有江湖思沙磧平淺草

纖纖怪石釣出太湖底珠樹移自天台尖崇蘭迎風綠

泛艷圻蓮含露紅襜褕廊架空遠岫入弱柳覆檻流

波霑渚蒲抽莢劒脊動岸荻迸筍錐頭銛攜觴命侶極

永日此會雖數心無厭人皆置庄身不到富貴難與消

遙兼唯公出處得自在決就放曠辭炎炎座賓盡歡恣
談謔愧我掉頭還奮髯能令商於多病客亦覺自適非
沈潛

訓僕射牛相公晉國池上別後至甘棠館忽夢
同游因成口號見寄

已嗟池上別魂驚忽報夢中攜手行此夜獨歸還乞夢
老人無睡到天明

裴侍郎大尹雪中遺酒一壺兼示喜眼疾平一

絕有閑行把酒之句斐然仰酬

卷盡輕雲月更明
金篦不用且閑行
若傾家釀招來客
何必池塘春草生

訓太原狄尚書見寄

家聲烜赫冠前賢
時望穹崇鎮北邊
身上官銜如座主
幕中談笑取同年
幽并俠少趨鞭弭
燕趙佳人奉管絃
仍把天兵書號筆
遠題長句寄山川

訓宣州崔大夫見寄

白衣曾拜漢尚書今日恩光到敝廬再入龍樓稱綺季
應緣狗監說相如中郎南鎮權方重內史高齋興有餘
遙想敬亭春欲暮百花飛盡柳花初

訓皇甫十少尹暮秋久雨喜晴有懷見示

雨餘獨坐卷簾帷便得詩人喜霽詩搖落從來長年感
慘舒便是病身知掃開雲霧呈光景流盡潢汙見路歧
何況菊香新酒熟神州司馬好狂時

劉賓客外集卷六

欽定四庫全書薈要卷一萬三千八百六十一

集部

劉賓客外集卷七

唐 劉禹錫 撰

詩

和浙西李大夫霜夜對月聽童吹觱篥歌依本韻

浙西李大夫述夢詩并浙東元相公訓和斐然繼聲

和浙西李大夫晚下北固山喜徑松成陰悵然懷

古偶題臨江亭并浙東元相公所和依本韻

和浙西李大夫伊川卜居

和滑州李尚書上巳憶江南禊事

訓滑州李尚書秋日見寄

吐綬鳥詞

并序

和西川李尚書漢州微月遊房太尉西湖

和重題

和遊房公舊竹亭聞琴絕句

西川李尚書知愚與元武昌有舊遠示二篇吟之泣然因

以繼和二首

來詩云元公令陳從事求蜀琴將以爲寄而武昌之訃聞因陳生會葬

和西川李尚書傷韋令孔雀及薛濤之什

訓李相公喜歸鄉國自鞏縣夜泛洛水見寄

和李相公平泉潭上喜見初月

和李相公初歸平泉過龍門南嶺遙望山居即事

和李公平泉新墅因為詩報洛中諸君兼見寄之什

訓柳柳州家雞之贈

答前篇

答後篇

再授連州至衡陽酬柳柳州贈別

重別

三贈

題淳于髡墓

懷妓四首

登清暉樓

送前四句
為江州

省試風光草際浮

赴和州於武昌縣再遇毛仙翁十八兄因成一絕

和浙西李大夫霜夜對月聽童吹觱篥歌依本

韻

海門雙青暮烟歇萬頃金波湧明月侯家小兒能觱篥
對此清光天性發長江凝練樹無風瀏慄一聲霄漢中
涵胡畫角怨邊草蕭瑟清蟬吟野叢沖融頓挫心使指
雄吼如風轉如水思婦多情珠淚垂仙禽欲舞雙翅起
郡人寂聽衣滿霜江城月斜樓影長纔驚指下繁韻息
已見樹杪明星光謝公高齋吟激楚戀闕心同在羈旅

一奏荆人白雪歌如聞雒客扶風鄔吳門水驛接山陰
文字殷勤寄意深欲識陽陶能絕處少年榮貴道傷心

浙西李大夫述夢詩并浙東元相公訓和斐然

繼聲

位是才能取時因際會遭羽儀呈鸞鷟銚刀試豪曹洛

下推年少山東許地高門承金鉉鼎家有玉璫韜

呂仍嗣侯

海浪扶鵬翅天風引驥髦便知蓬閣閔不識魯衣褒興
發春塘草魂交益部刀形開猶抱膝燭盡遽揮毫昔仕

當初筮逢時詠載橐懷鉛辨蟲蠹淖素學鵝毛車騎方

休汝歸來欲效陶

大夫罷太原從事歸京師

南臺資謬諤內署選風

騷羽化如乘鯉樓居舊冠鰲美香焚濕麝名菓賜乾菊

議赦蠅棲筆邀歌蟻泛醪代言無所戲謝表自稱叨蘭

焰凝芳澤芝沆瑩玉膏對頻聲價出直久夢魂勞草詔

令歸馬批章答獻葵

幽冀歸閣兩戎乞盟事並具注前

銀花懸院榜翠

羽映簾條諷諫欣然納奇觚率爾操禁中時謬謬天下

免忉忉左顧龜成印雙飛鵠織袍謝賓緣地密潔已是

心豪五日思歸沐三春羨衆邀茶爐依綠筍碁局就紅

桃溟海桑潛變陰陽炭暗熬仙成脫屣去臣戀捧弓號

建節辭烏柏宣風看鷺濤土山京口峻鐵瓮郡城牢

舊說

潤州城如鐵瓮事見歸浣南征記

曲島花千樹官池水一篙鶯來和絲

管鴈起拂麾旄宛轉傾羅扇回旋墮玉搔罰籌長豎纛

觥盞樣如舫山是千重嶂江為四面濠卧龍曾得雨

浙

東孤鶴尚鳴皋

浙西

劍用雄開匣

二公

弓閑蟄受弣

自

謂

鳳姿嘗在竹

二公

鷗羽不離蒿

自謂

吳越分雙鎮東

西接萬艘今朝比潘陸江海更滔滔

和浙西李大夫晚下北固山喜徑松成陰悵然

懷古偶題臨江亭并浙東元相公所和依本韻

一辭溫室樹幾見武昌柳荀謝年何少韋平望已久種
松夾石道紆組臨沙阜目覽帝王州心存股肱守葉動
驚綵翰波澄見頰首晉宋齊梁都千山萬江口烟散隋
宮出濤來海門吼風俗泰伯餘衣冠永嘉後江長天作
限山固壤無朽自古稱佳麗非賢誰奄有八元邦族盛

萬石門風厚天柱揭東溟文星照北斗高亭一騁望舉
酒共為壽因賦詠懷詩遠寄同心友禁中晨夜直江左
東西偶筆手握兵符儒腰盤貴綬頒條風有自立事言
無苟農野聞讓耕軍人不使酒用材當構厦知道寧窺
牖誰謂青雲高鵬飛終背負

和浙西李大夫伊川卜居

早入八元數嘗承三接恩飛鳴天上路鎮壓海西門清
望寰中許高情物外存時來誠不讓歸去每形言洛下

思招隱江干厭作藩按經脩道具依樣買山村

馬高唐為御史

大夫皆置宅命畫工圖其狀戒所使曰依此樣求之

開鑿隨人化幽陰為律暄遠

移難得樹立變舊荒園絕塞通潛徑平泉占上原烟霞
遙在想簿領益為繁丹禁虛東閣蒼生望北轅徒令雙
白鶴五里自翩翻

和滑州李尚書上巳憶江南禊事

白馬津頭春日遲沙州歸鴈拂旌旗柳營唯有軍中戲
不似江南三月時

訓渭州李尚書秋日見寄

一入石渠署三聞宮樹蟬
丹霄未得路白髮又添年
雙節外臺貴洞簫中禁傳
徵黃在旦夕早晚發南燕

吐綬鳥詞并序

滑州牧尚書李公以吐綬鳥詞見示兼命繼聲蓋尚
書前為御史時所作有翰林二學士同賦之今所謂
追和也鳥之所異具於首篇

越山有鳥翔寥廓
嘯中天綬光若若
越人偶見而奇之

因名吐綬江南知四明天姥神仙地朱鳥星精鍾異氣
赤玉彫成彪炳毛紅綃翦出玲瓏翅湖烟始開山日高
迎風吐綬盤花條臨波似淙瑯琊草映葉疑開阿母桃
花紅草綠人間事未若靈禽自然貴鶴吐明珠暫報恩
鵲銜金印空為瑞春和秋霽野花開翫景尋芳處處來
翠幕雕籠非所慕珠丸柘彈莫相猜棲月啼烟凌縹緲
高林先見金霞曉三山仙路寄逸情刷羽揚翹欲上征
不學碧雞依井絡願隨青鳥向層城太液池中有黃鵠

憐君長向高枝宿如何一借羊角風來聽簫韶九成曲
和西川李尚書漢州微月遊房太尉西湖

木落漢川夜西湖懸玉鉤旌旗環水次舟楫泛中流目
極想前事神交如共遊瑤琴久已絕松韻自悲秋

和重題

林端落照盡湖上遠嵐清水榭芝蘭室仙舟魚鳥情人
琴久寂寞烟月若平生一泛釣璜處再吟鏘玉聲

和遊房公舊竹亭聞琴絕句

尚有竹間路永無綦下塵一聞流水曲重憶食霞人

西川李尚書知愚與元武昌有舊遠示二篇吟

之泣然因以繼和二首

宋詩云元公令陳從事求蜀琴將以為寄而武

昌之計聞因陳生曾莫

如何贈琴日已是絕絃時無復雙金報空餘掛劍悲
寶匣從此閑朱絃誰復調祇應隨玉樹同向土中銷

和西川李尚書傷韋令孔雀及薛濤之什

玉兒已逐金環葬翠羽先隨秋草萎唯見芙蓉含曉露

數行紅淚滴清池

後魏元樹南陽王禧之子南陽到建業數年後北歸愛姬朱玉兒脫金指

環為贈樹至魏却以指環寄玉兒示有還意

訓李相公喜歸鄉國自鞏縣夜泛洛水見寄

鞏樹烟月上清光含碧流且無三已色猶泛五湖鵬
息風還起鳳歸林正秋雖攀小山桂此地不淹留

和李相公平泉潭上喜見初月

家山見初月林壑悄無塵幽境此何夕清光如為人潭
空破鏡入風動翠娥頻會向瑣窓望追思伊洛濱

和李相公初歸平泉過龍門南嶺遙望山居即事

暫別明庭去初隨優詔還曾為鵬鳥賦喜過鑿龍山新
墅烟火起野程泉石間巖廊人望在只得片時閑

和李公平泉新墅因為詩報洛中諸君兼見寄之什

業繼韋平後家依崑閭間恩華辭北第瀟洒愛東山滿
室圖書在入門松菊閑垂天雖暫息一舉出人寰

金史卷之四
卷九
訓柳柳州家雞之贈

日日臨池弄小雛
還思寫論付官奴
柳家新樣元和脚
且盡薑牙劒手徒

答前篇

小兒弄筆不能嗔
浣壁書窓且當勤
聞彼夢熊猶未兆
女中誰是衛夫人

答後篇

昔日傭工記姓名
遠勞辛苦寫西京
近來漸有臨池興

為報元常欲抗行

再授連州至衡陽酬柳柳州贈別

去國十年同赴召
渡湘千里又分歧
重臨事異黃丞相
三黜名慙柳士師
歸目併隨回鴈盡
愁腸正遇斷猿時
桂江東過連山下
相望長吟有所思

重別

二十年来萬事同
今朝岐路忽西東
皇恩若許歸田去
歲晚當為鄰舍翁

三贈

信書誠自誤經事漸知非今日臨湘別何年休汝歸

題淳于髡墓

生為齊贅壻死作楚先賢應以客卿葬故臨官道邊寓
言本多興放意能合權我有一石酒置君墳樹前

懷妓四首

玉釵重合兩無緣魚在深潭鶴在天得意紫鸞休舞鏡
能言青鳥罷銜牋金盆已覆難收水玉軫長拋不續絃

若向縻蕪山下過遙將紅淚洒窮泉

鸞飛遠樹栖何處鳳得新巢想稱心紅壁尚留香漠漠
碧雲初斷信沈沈情知點污投泥玉猶自經營買笑金
從此山頭似人石丈夫形狀淚痕深

但曾行處遍尋看雖是生離死一般買笑樹邊花已老
畫眉牕下月猶殘雲藏巫峽音容斷路隔星橋過往難
莫怪詩成無淚滴盡傾東海也須乾

三山不見海沈沈豈有仙蹤更可尋青鳥去時雲路斷

姮娥歸處月宮深
紗窓遙想春相憶
書幌誰憐夜獨吟
料得夜來天上鏡
只應偏照兩人心

登清暉樓

送前四句
為江州

潯陽江色潮添滿
彭蠡秋聲鴈送來
南望廬山千萬仞
共誇新出棟梁材

省試風光草際浮

熙熙春景霽草綠
春光麗的歷亂相
鮮歲蕤互虧蔽乍
疑芊綿裏稍動丰
茸際影碎翻崇蘭
浮香轉叢蕙含烟

絢碧綵帶露如珠綴幸因採掇日況此臨芳歲

赴和州於武昌縣再遇毛仙翁十八兄因成一絕

武昌山下蜀江東重向仙舟見葛洪又得按前親禮拜
大羅天訣玉函封

劉賓客外集卷七